

饒平縣志卷二十四

潁川劉抃纂修

詩

漸山早發

薛 亶

呼僕吹燈促曉裝出門月色十分光板橋霜重稀行
迹野寺鐘疎攬客腸河漢低斜趨北極啟明輝映出
東方前途莫見同心伴惟有啼鶻訴路長

鴻山僑寓

隱來此地傍松坡雲樹幽清逸興多四顧遠山供老

饒平縣志

卷二十四

藝文詩

一

眼數株古樹掛新蘿卜隣擇地居仁厚教子傳經可
切磋世事頽然都不省湧言愁思得相磨

山齋卽事

小齋舊結傍花林門對長川歲月深風送花香三徑
晚日移竹影半天陰白鷗眠渚沙籠玉赤鯉翻波水
漾金富貴浮雲何足訝清風明月是知心

其二

江村曲抱沙流白濶水長迴栢樹陰細柳飛金垂岸
尾小舟載月點波心高山流水棊中興曉露春花霧

裏深澗道此間無可樂光風霽月伴幽襟

有懷

一榻初開俯碧潄溪流曾似野情深鴻飛滄海三秋
影人阻白雲萬里心酒泛壺觴堪遣興琴停几案少
知音幾回獨倚欄杆望爲解愁懷強一唵

隱居雜興

舊買青山共結隣小庭惟愛月華新鷄鳴茅舍孤村
曉草綠郊原十里春琴操梅花偏有興心涵流水淨
無塵眼前富貴浮雲薄我喜秋泉酒味醇

饒平縣志

卷二十四

藝文詩

二

其二

已佃深山數畝田隨時畊種度流年三間茅屋遮風
雨幾卷詩書學聖賢恣性每同鷗鳥樂謀生不爲利
名牽心閑可作羲皇睡明月清風適自然

其三

棲遲此地度年華志在烟霞樂更奢偏野開雲因種
秫臨池汲水爲澆花閒中得趣唵偏好醉裏登高帽
欲斜睡覺忽驚人扣戶傳書思我月傳茶

其四

不慕功名宇宙間此身願與白雲閑採芝年上楓山
頂垂釣時臨鱷水灣月落巖前風虎嘯雲遮洞口雨
龍還空林天暗茅齋靜常把柴門日夜閑

其五

自愧昏愚學少成嘯風弄月寄閒情分毫不爲身家
積方寸聊存子姓畊柳岸風和鶯舌軟杏林春暖蝶
身輕時人間我幽棲志數卷書田是治生

其六

衡門泌水可棲遲此地幽清足自怡佃斷溪山爲別

饒平縣志

卷二十四

藝文詩

三

野種成松竹長新枝編籬插棘圍芳圃鑿石通流溢
小池最喜昏晨聊自度饑飡藿粥渴烹葵

其七

脫却塵寰是與非身閒幸喜際雍熙湯媵驥足騰千
里且效鷓林借一枝積雪烹茶因待客敲冰研墨爲
題詩年來與世渾無事細把經書日課兒

其八

景雖不及舊家庄且向林中結草堂竹杖芒屨堪伴
侶藜羹菽水亦膏粱鶯啼花塢驚春曉晝掩柴扉覺

日長遙想難兄年六十旨目未得效姜肱

其九

雅志躬畊畝中依時播種樂年豐日傾綠醕消清
興夜誦黃庭禮碧空慕道有心求妙訣尋真無路覓
仙蹤世間人事多翻覆惟有江山萬古同

其十

盡日霞封郊樹間藏愚養拙避囂闐青堆螺髻山千
疊綠遶柴門水一灣出岫浮雲閑自散傍林野鳥倦
飛還攜兒呼酒庭中坐墻外亭亭竹笋班

饒平縣志

卷二十四

藝文詩

四

遊韓祠

乘興登臨刺史臺臺因多景句難裁垂簾燕雀高低
舞泊岸帆檣次第開藍雪消殘華日近秦雲收盡化
風來先生往事今千載琬琰碑章納諫才

秋曉山行

風搖木葉驚棲鵲露洒清音咽素蟬嵐鎖翠微山寺
靜數聲鐘散道人眠

讀復齋楊公捕盜說

六賊欺心心自迷而今始覺覺來遲等閑却被東風

笑笑我知噍人未知

吳烈婦歌

薛采

海濱傳節烈變故激而然不謂吳門婦從容殉所天
結髮方三載離首不忍言 斷悲孤鳳鏡剖泣分鸞
願同比翼去捐軀以待亡有懷哀未字勉爲立孤延
娠女不卒畜之死矢靡慝自經還絕粒百計不我力
壯哉烈婦志矯矯凌秋日人亦誰無死烈婦死自別
豈若匹婦諒乾坤與不滅

慚愧岩三栢歌

饒平縣志

卷二十四

藝文詩

五

慚愧岩下三株栢云是咸通歲裡植翠葉參天綠縟
繁歷盡三冬不改色南株身大近百圍長直堪爲杗
與栳中株雖小不及尋二榦亭亭似雙戟北株本大
亞南株五尺分爲六榦殊三物皆含棟梁具工師未
遇空踟躕嗚呼杜欒滿道區匠人妄采爲薄櫨脆理
腋沉又速朽何用丹堊塗其膚易大最是水中榆弱
質豈堪金露濡吾聞豫章之生最難 七載鍼萌未
貽蕩千年培植飽風霜崢嶸直出青雲上柰何此栢
獨抱奇神物護之應有意鸛鵠時栖止獼猿攀其枝

昏鴉剥啄皮膚皺
蝼蟻出入空柯菱
古來材大用皆
晚羣兒見慍安足嗤

鐵山寺留題

古寺倚山舒雲林
境自嘉聖燈燃碧
落忍草帶幽花
少憇悟眞性清談
及法華山僧勞遠
送一笑日初斜

海雲亭

千尋岩石古百尺
野亭畱山月斜侵
簾春雲曲抱樓
磴通幽澗出檻挹
大江流此地堪陶
興無勞問十洲

戲題大小姑山

饒平縣志

卷二十四

藝文詩

六

百里長湖懷二姑
二姑何嫁水之湄
彭郎磯上曾頻
目五老峯頭怎畫
眉參商姊妹成虛
渡牛女夫妻似
悞期江中蕭索誰
爲侶卧對孤星歲
月遲

除夕立春

昨夜東風散紫宸
朝看淑氣滿江津
客裘定少三更
雪岸柳先看一日
春

潘陽湖春雪

日日湖邊見雁歸
行人強欲試春衣
東風一夜寒猶
峭不見花飛見雪
飛

長門怨

玉蓮合殿散青煙
花泣長門春可憐
自恨此身不如燕
尋常飛到御床前

明妃曲

一下粧樓國色灰
琵琶留恨不勝哀
乍聞塞馬嘶胡月
疑是中朝遣使來

山中卽事

獨木樓西日未斜
桐陰竹影蔭簷牙
山中麋鹿忘機久
羣食疎籬小豆花

饒平縣志

卷二十四

藝文詩

七

過古彭城夜燈讀書

薛 雍

舟泊彭城江夜聽
彭江水淒淒梧桐
音嘒嘒天鴻節序
苦易邁心緒生煩
憤心緒江水長往
事今如漢皇圖遠
大形裊重瞳子八
關判鴟鸞可憐范
增平生慕明哲肝
肺慎交與長途讀
易爻今覺隨六反
覆中郎論竟喜管
寧慮風雲依飛龍
盛平今日事偉哉
馬新豐旅五終自
許

征婦怨

飛塵暗京國沙漠
日色昏天外望歸
鴻寂寂空倚

今夕復前夕蛩聲滿墮垣夜深不能寐相思勞夢

其二

人與春鴻去不與春鴻歸風沙閉塞長間誰寄征
淒淒復淒淒殘燈守重幃可憐空形影覓已逐鴻飛

其三

良人一別後綠楊多條肄歲序倏以易天涯杳無際
秋高鹵氣驕良人無歸計寂寞守空閨撫枕長流涕

其四

依依隴頭雲思君腸欲斷雲飛去隴頭妾腸空撩亂

饒平縣志

卷二十四

藝文詩

八

仰觀天邊鴻俯見澤中鶴同食作隊飛妾願生羽翰

其五

猶記君別時攜手河梁側白馬繫朱英綵轡連金輶
征夫念長途游子戀故宅遲遲不能行淚下沾衣赤

其六

人生重歡娛春光恐遲暮未離多相憐一別不相顧
滔滔黃河流渺渺雲間樹白骨漫成堆孰辨征夫墓

江夏行

妾本標梅女芳心托鳳凰錦衾角枕鮮未上合歡床

淒風天南來空夜念天霜此心寧獨寒羞比燕雀行
燕雀不足佳豈數小口黃梧陰宜我棲竹實宜我腸
高岡在何處願與同翱翔顧今歲云暮未識姑嫜堂
一朝車間閑結髮黃金郎粉黛蛾眉新珊珊鳴佩璫
朱顏鏡中容綺服懷芬芳委身作連理百歲敢相忘
常在君子傍媚若雙鴛鴦妾幼君年少相顧憐春光
彩帳流蘇煖國色飄天香念未識君面我曰何傍徨
今喜得君心誓與天地長

飽節歌

饒平俗以七月十五日爲飽節言稻熟也

饒平縣志

卷二十四

藝文詩

九

水田早稼喜秋熟貧家富貴勤入谷今年春旱田又
蟻遽篠倉箱多不足富家有田僦貧人聚斂衆入積
陳陳日夕酒牲宴戚隣俯顧妻子亦欣欣貧家半歲
力苦辛秋夕不得飽昏晨多田多種穀不少田空稼
收穀亦了二三黃小牽母啼求人斗粟似珠珍母得
粟歸兒莫哭今朝飽節免空腹哀哉蒼生苦無祿安
得水火變米穀

鴉聲謠

鴉聲曉起撼四隣黠鼠晝出不畏人閉戶孤坐羣物

惡糾紛中欲不汨真竹園塘水照清鏡留我秋山多
白雲英英飛起欲相送與爾何日羅浮洞

觀越王走馬埕

雙溪據上游走馬埕山小遠道從天來長堤出雲表
越王今何在劉鋹迹已杳歲歲荒原中秋風吹白蓼

西湖雜咏

松色侵湖青悠然東嘯亭浩歌招太白鼓瑟憶湘靈
韻入悲林木聲高隊斗星海天回首處踪跡嘆飄零

晚夏

饒平縣志

卷二十四

藝文詩

十

榴結纍纍實藕花墜粉紅燕飛江面雨鷺匿樹稍風
片片雲將白滔滔水未窮芙蓉向日色傾耳聽南鴻

過蓮花山訪宋陳總府讀書處

蓮峯海中出天外鬱盤盤避世因秦亂入山皆宋冠
徒空恤婺緯終不弄僚丸耿耿名猶在茅堂跡已荒

四月六日出張家灣有寄

平蕪南望海天雲回首京華憶故人夢底依然言在
耳別來空有淚沾中關河迢遞愁多難歲月栖遲欲
代輪偏是故園風景好江門垂釣浪花新

除夕有感

愁逐梅花暗上頭誰攜罇酒共登樓
玉關有誓憐班老銅柱終標羨馬侯
細草春風還故國輕烟禾黍尚離憂
韶華明日四十二猶向南山學飯牛

其二

喜同燈火對家人翻憶當年客底身
玉秘尚憐劉向業白綸元是謝方巾
梅先放白春應早菊猶畱黃歲已新
不嘆蒼頭厭今夕商畊周釣屬天民

春霄山齋步月思少北

饒平縣志

卷二十四

藝文詩

十一

淡淡月華明書臺松風入室柴門開
萬峯青向海出一水白從山上來
孤鶴依雲傍僧榻美人負我空酒杯
此情此夜猶堪賞念爾相思獨徘徊

遊大帽山

吳繼澄

興逐山顛一振衣山雲長翫海雲飛
天南雲物無窮趣都被遊人眼帶歸

擒張璉回過車槃驛

擬除兇醜挂征鞍此日長纓棄等閒
何事蒼冥相戲劇令人羞向望夫山

初到浮山兄弟會酌

楊 驥

百百年前共一身
一身分作念餘人
于今繼古須當
醉鐘磬和聲萬古春

秋晚登樓

雨餘野外忽驚秋
愛此新涼坐晚樓
古樹崖陰籠薄
霧輕舟江曲逐
狂流大觀今古悲
三傑長嘯乾坤傲
五侯吟罷自知心
力壯肯隨搖落浪
生愁

竹林清咏

秋風三日出塵寰
拄杖東溪積翠間
徐發清商穿綠

饒平縣志

卷二十四

藝文詩

十一

徑興隨霽雨看青山
風雲未了千年計
天地先偷萬
古閑百歲好懷今
始放竹林題遍不
知還

初到浮山和家兄

楊 鸞

森森昆季和山阿
今日相逢意若何
歌罷又生離別
思不妨沉醉舞婆娑

春日江中

塵思離城便豁然
漫隨花柳過前川
小舟盪八千峯
影別是人間一洞天

送王傳陽歸金陵

雨霽江天數峯碧金陵嘉客東歸日錦帆搖搖不可
羈玉樹耿耿空留蹟無計贈與凌風柯有懷顛望冲
霄翼百年會晤豈無期千里樽前幸相憶

春懷

霏霏細雨入牕斜孤客凭欄嘆落花清隱市朝留老
眼勝遊風景認仙槎吟看極浦千條柳坐對殘陽幾
樹鴉感慨年來風草綠夢覓曾學邵平瓜

己亥仲夏遊上杭南泉寺僧月修誦王陽明南

征閑遊寺詩因次韻

楊 瀧

饒平縣志

卷二十四

藝文詩

十三

司馬南征甫偃戈尋幽漫步入薜蘿坐看劍賣還耕
犢會見農忙理故簑閩壤烟消清永夜粵江雨過漲
新波禪堂遺詠徵前古老我長吟夕照多

魯連村

楊時芬

曾道咄於人寧從湖海去高名千古存閭里今亦著

秋興

楊時英

大火西流金氣清長林浙瀝起秋聲齊紈肩冷班姬
怨楚賦悲生宋玉情風蕩芙蓉翻露滴雨寒蟋蟀入
霄征登山臨水增惆悵翹首高天一雁橫

雙星耿耿度明河一水盈盈舊恨多玉杼
思獨
苦紫蕭聲斷倩誰和星橋露冷侵歌扇月帳雲輕薄
綺羅別去含情更欲語誰憐天路亦風波
詩思入秋興轉豪夜深凭几讀離騷薜蘿採得堪爲
佩螢燄囊成好繼膏歷塊漫思千里馬識機誰遇九
方臯年來骯髒多遺俗潦倒風前醉濁醪
孤亭兀坐思悠悠滿目平蕪杜若洲水路江潭水色
淨雨霏山郭暮煙收金莖不賜文園渴玉露空擎仙
掌浮槎落正當悲歲晏壯心何處覓吳鉤

饒平縣志

卷二十四

藝文詩

十四

碧梧疎影月蒼涼光映蘆花白似霜樽滿南樓庾亮
興樂傳仙調武彝章嚴城警鶴鳴宮樹禁苑驚鳥繞
尚方我欲泛槎牛郎渚天香飄襲喜生狂
遙望西山爽氣增長空無際碧澄澄尋幽採菊陶元
亮多病登臺杜少陵黃葉蕭蕭飄復聚候蟲唧唧息
還興寒催砧杵聲淒切淚洒邊城恨不勝
漠漠蒼烟接翠微感時搔首嘆蓬飛西原落日猿初
嘯寒渚經霜蟹漸肥紫氣遙瞻關令澄江長憶謝
元暉可堪鼓瑟非齊好九日誰怜未授衣

小樓十築園之西賦就凌雲出月低久分世事如蕉
鹿始覺神全似水鷄池冷魚眠閑翡翠秋深橘熟隱
鷓鴣休歌白石嗟長夜已見高燃太乙藜

寇營

時倭陷大城置營其地東里累世之積凡家譜典故一時灰燼媿齋傷之而作是詩

周政

變起倉皇事事非謀身堪嘆自依違
蹙蹙賊鼓城頭壯落落官旗山色微
日暮角聲春意散更深燈火旅
冤飛九原路杳知何在默然願祈得早歸
春草離離景象非楚囚空泣故心違
風煙荏苒音書

饒平縣志

卷二十四

藝文詩

十五

絕形影淒其助力微白日劍光妖氣暗清霄雨灑夢
冤飛自家繫累自家屋謾訝是歸元未歸

望海東峙

劉僑

矗矗巍峯染黛烟層崖千丈瀉飛泉晴光海色浮天
外掩映山容落几前古寺曉鐘依谷嚮野僧夕照帶
瓢還芙蓉峭削凌空翠撐住東方半壁天

尊君北聳

碧峯聳翠雲縱橫迤邐屏環繞北行峭壁巍嶷嚴斧
宸崇嚴削列英瓊丹楓鐘動千門曉

下有楓山寺頭

巒飛雙蝶迎

石帽山雙峯如蝶雙飛

儼若天威顏咫尺嵩呼拜

舞樂昇平

天馬南來

南來天馬勢龍從振鬣長呼向碧空稟氣靈淵誇躡
景受精皎月擬飛鴻雄姿壯志閑天廡歷塊追風騁
海東神駿豈宜長伏櫪珂鳴常旁紫薇中

待詔西拱

疊嶂凌霄氣鬱蒼山名待詔邑之旁瑤章霞燦神龍
躍錦軸雲蒸彩鳳翔芹藻碧池晨漱灑

邑庠有洋池

蓮花

饒平縣志

卷二十四

藝文詩

十六

金燭夜輝煌饒陽原產英豪輩歲歲徵書出未央

繡嶺風清

玉節新承出帝京麟麟驄馬向孤城路通曲徑巒飛
翠水瀉懸崖電激鳴古木離離遲日曉山亭習習午
風清鸞車羽飾停驂後千載人傳豸史榮

鳳山雲嘯

巍峯截薛曉風輕似鳳騫騰挹太清應候玉音諧律
本昌時靈質象陽精朱光映日來丹穴彩翼乘風集
紫庭嶺海由來多鸞鷲凌雲長嘯兆文明

河口古刹

寶林幽梵耀瓊璿別是人間一洞天覺水泚洋澄碧
海法雲縹緲罩青蓮多羅鳥聚時聞褐兜龍參日
護禪最喜雙溪殿下繞慈燈炯照永綿綿

百花仙洞

漠漠洞雲鎖綠苔洞天深處有蓬萊棋殘石局空餘

跡洞有石丹熟煨爐只數堆碧澗潺湲流飯出嵐光

掩映送青來前有青祥光瑞草呈谿壑一度春來一

度開

饒平縣志

卷二十四

藝文詩

十七

喜聶蘇門公祖守潮寄贈二首黃錦

瀛海春風動地迴兒童爭迓使車來雲團皂盖千峯
雨電閃朱旗萬壑雷江上鯉魚看再徙嶺頭韓木喜
重栽無由借得蒼龍杖執兕歡迎彩鳳臺
曾逐驂騑步後鑣天衢騰踏意偏饒尺絲自我牽鈴
索斗酒何因盍紫貂澤國蒹葭勞夢寐玉河魚鯉漫
迢遙維桑此日逢知已零露無私到菅蕭

重陽辭諸親友登高之約和韻二首

老來多病怯登高林壑蕭森萬籟號有酒不妨開小

徑看山何必拉時豪情同陽鳥懷贈繳意類元猿抱
鬱陶因憶往年叨侍宴歸鞍曾帶棗亭糕

秋來羽檄動驚聞誰把關河作質文萬戶蕭條帷壁
立百年潦倒笑絲紛魚龍水冷和霜夜鴻雁風高亂
漢雲每向城頭頻眺望不堪遲暮對江濱

贈張業師益軒

黃錦

少小斑門學斲時揮斤一解便咤奇而今搆得凌烟
就老大逢人說匠師

韓亭秋月

梁應龍

饒平縣志

卷二十四

藝文詩

十八

晴烟幾縷林山隈蕭槭疎林擁謝開千頃瑤波江芷
漾一庭栢影兔菴來鴈拖秋色過韓嶠僧帶嵐光扣
覺臺我欲拈毫裁月賦可憐揭婦已無才

尊君樓

國朝 仇昌祚

小邑邊荒借箸籌倚筇獨上尊君樓蒼葭白露伊人
句赤荔丹蕉海國秋萬感驚心千日慮三星在罌四
時愁桑麻鷄犬殊非舊極目郊原竟夜謀

晚宿漳溪寨外

薄暮秋原漠漠烟行來潦倒卧風塵山花月意多

態海鳥忘機直向前野屋風寒棲落葉村姑日脯且
歸田今霄對此倩誰語別有愁思滿蓓簷

巡南澳

吳興祚

渡海登南澳浮天曉日紅山形皆向北水勢自朝東
浪捲晨昏霧帆懸閩粵風咽喉成鎖鑰控制兩相同

和 吳制臺巡南澳韻

林杭學

海門高一望日氣射波紅廟算勞神北山形壯粵東
鏡應窺水府帆已信天風爲有忠良在災方慶大同

癸亥六月恭陪 制臺吳公 撫臺李公巡歷

饒平縣志

卷二十四

藝文詩

十九

南澳奉呈排律三十韻

林杭學

萬里天南地誰扶半壁傾鯢波浮日夜鼉柱奠滄瀛
入澳非奇險分疆任抗衡

地分閩粵

濤狂難飲馬窟老易

藏鯨以此金甌慮何當鐵網橫國方勤穴掃時自十
師 技擊閩方發綢繆粵地并指揮雙幕府談笑一

平生並轡推韓范聯鑣重李程三山戡定烈

制臺前爲閩剿

海著功 兩浙屏藩聲

撫臺前爲浙藩

自換麟符佩旋看鵲印成

從容持繡鉞浩蕩倚長城拜表馳星出提師觸暑行
莊鬢遙叱馭玉帳共諭兵日月翻紅浪雲霞避絳旌

天吳何處立海若此時迎擊楫中流誓燃犀百怪呈
餘隍朝結纜鷺鸛日連營令肅軍無譁威行俗不驚
漁舟仍獨釣海戶悉安耕已報樓船捷應連島嶼平
饒歌來指日鏃釜罷嚴更一碧長空淨孤輪永夜清
鮫人能織素貝女善吹笙細斫龍螭鱗高擎琥珀觥
雕蹄歸板籍黑齒奉琛瓊不戰弓韜影全師石紀名
飽騰諸校力馳騁末員情鎖鑰非乎仲招徠愧少卿
明陪麾蓋下也擬學蛙鳴

步 督憲吳公巡視達豪原韻 劉 抃

饒平縣志

卷二十四

藝文詩

二十

兵革今銷盡荒隅闢稼場炎威蒸鹵白瘴癘蔽塵黃
海岳連雲起豪梁渡水香漁人初泛泛厥貢過潮陽

又和巡南灣原韻

棹轉層崖翠旌霓映日紅飛濤湖遠近積鐵枕西東
天際迴蜃氣晴空撼嶽風巡遊輯玉會盛世恰相同

雨霽登望耕臺遣懷

千山樹密綠陰稠豈獨清明雨亦幽變幻嵐光雲作
態崎嶇石勢水爭流望中若見豳風繪坐下渾忘海
岳秋紅葉不因霜露染南方炎氣逼丹丘

登城隅望耕樓

滙澤滂沱湮大荒濕雲野燒縱微茫綠陰萬頃連山
影赤日三時積雨涼但見椶蕉還採葛纔經脫粟又
栽秧炎方豐稔惟耕鑿不使蒿萊占隴崗

偕王元功護軍遊鳳凰山

嵐光窈窕碧天悠放眼青蒼萬壑秋高下平疇秔稻
熟崎嶇仄逕葛藤稠山居氣接層崖古林谷聲傳曲
澗流小隊弓旗雲影動欲看射獵過峯頭

又

饒平縣志

卷二十四

藝文詩

二十一

萬木層層間水隈上方清隱似蓬萊初開山徑人難
到久結煙霞客自來梵宇藏雲堪憩跡蒲團見月可
成胎遠公更有青蓮舌珠玉琳瑯沒點埃

劉明府鼎菴望耕樓成詩以美之 黃金勝

花封粳稻鬪秋妍得月樓臺接潁川墾杏正宜潘縣
植吹豳移和宓堂 遙瞻斗極韓山峻仰止城頭姑
射連芄黍只今膏雨足令公香藹五雲邊

前題

麥天縱

錦城新飭偉花封樓上觀耕樂思濃醺我一人先固

圍保此赤子重明農鋤雲四日歌甘澍刈月三秋慶
稔東仙令才名誰可及文饒聲價在孤峯

前題

潘浩元

南來仙令飾金城城上高樓日課耕百雉壯觀推偉
績三農勤動慰廉明不希臺榭憑舒笑正樂倉箱滿
稻秈偶過劉昆宣化地歌到處盡仁聲

前題

侯世祿

崇墉百雉正更新勝賞君山賽白蘋花滿河陽香望
杏琴彈單父和歌豳稻孫舊喜供秋燕覲稻今移人

饒平縣志

卷二十四

藝文詩

二十二

綺閩徙倚危闌頻極目盡看鱗次萬家春

望耕樓四時田家樂

侯世祿

聖天子簡今高我墉望耕樓上課我農犁雲鋤雨
怎慵聖天子簡賢侯城我立望耕樓上易我疇耘
星耨月怎休聖天子簡邑尊壘我垣望耕樓上授
我餐剪風刈雪怎緩聖天子簡循良固我邦望
耕樓上滿我箱陶霄茅晝怎遑

湖嶺晴巒和韻

鄭茂蕙

湖嶺風光好差峩峙古庵幽花依石艷老樹錯藤叅

月影留崇堞鐘聲動碧潭雲霞時爛熳佳氣繞晴嵐

饒陽八景

望海東峙

陸宸箴

巍然一柱嶺雲東遠眺滄波粘碧空回首川原如畫
裏萬家煙火笑春風

尊君北聳

獨挺崔嵬俯百岑山顏儼若天顏臨嵩呼恃有山顏
在一片孤臣萬里心

天馬南來

饒平縣志

卷二十四

藝文詩

二十三

誰駕文茵出駟房玉鞭腰褭駐南方一朝振鬣風雲
變又見人間有乘黃

待詔西爽

鳳啣若木嶽先知雨雪霏霏促馬馳手捧簡書如畏
壘那堪柱笏還看西

河口古剎

羣峯擁寺隱中間門對雙流雲不閉蠟盡遊人多少
展咸云此地勝崖山

琴麓遠韻

花明琴響兩相欣
嫋嫋丹楓四野聞
坐對閒庭嘉
至披襟重與細論文

鳳山清嘯

丹山瑞鳥作屏城
風雨時時皆羽聲
不是蘇門遇阮
嘯何勞緱嶺更吹笙

繡嶺風清

雲想遊韉月想裳
春風晴拂紫薇郎
桓驄叫破峯頭
月來助入間錦繡腸

遊尊君庵和韻

時七月七日也

黃客青

饒平縣志

卷二十四

藝文詩

二十四

文章聲氣古人情
消暑禪林論墨兵
簾捲前山雲黯
淡風敲翠竹影紛
更撚鬚步韻慚黃絹
亂鼓催花問
麴生忙向人間尋
乞巧虎溪笑別馬蹄爭

贈牛邑令初政

山西人嘗司訓

三晉素稱廊廟珍
賢良百里似非倫
當年壁水依芹
綠此日花城挹露新
夜月滿簾琴鶴靜
公門數仞李
莠春口碑載道欣
初政治行於今第一人

菴源瀑布泉

陸應瑄

有泉懸絕壁奔下
勢如狂石激噴珠
玉岩穿響 瑯

飛雲垂練白開劍洗芒光瀉出重岡外潤膏萬頃庄

待詔西拱

柯壬馨

蕉原名勝欲連雲傳道此山一脉分作鎮西方稱峭
拔待恩北闕聽絲綸谷中灌木翻朱旆頂上高岩吐
彩雲共說仙踪曾履此詩章恍惚猶堪聞

畱衣亭

謫宦不堪五馬踪當年訪道在巖東悟來五蘊皆成
幻別去孤懷莫與同諫佛猶傳勁節疏解衣欲洒俗
家風孤亭揮袂留清話碧水丹山挹不窮

饒平縣志

卷二十四

藝文詩

二十五

望耕樓

陸應珩

一天化雨野爭妍風景依稀似輞川白水煙平黃菽
飽青田霧擁綠簑娟東流洛澗龍吟近北極樓臺鳳
翥連爲念力農頻勸駕登臨寄盼勝籌邊

文峯塔

何處飛來玉一峯神君卜築振儒宗表高千嶺繫鰲
足影八雙流迸鯉蹤手可摩天乍聆語目堪望海時
間淙而今身在雲霄上寄與遊人仰而逢

望海東峙

方紳

東郊一柱實巍然頂上置身碧漢邊五鼓殘時觀浴
日百川會處看連天眼中波浪任澎湃嶺外煙雲變
萬千縱目峯頭情靡極好將裡事問嬋娟

春日遊雙流寺訪智上人

曾口省

剝羨雙流古招遊人口天風聲護嫩草春色逗前川
支遁性情美虎溪笑語顛依依念日色別會知何年

詠菊花

東籬秋正暮寒彩吐今朝枝以傲雪老色因向日嬌
孤芳成隱逸晚節自高標予亦知情者賞心豈獨陶

饒平縣志

卷二十四

藝文詩

二十六

望畊樓

呂應璜

雨餘草色競媿妍流水迴環接巨川畚鍤日忙風拂
拂歌吹夜靜月娟娟年來阡陌農桑古到處邨庄烟
火連嘗讀南山父母咏望耕樓外樂無邊

待詔山

環抱羣峯斷還連晴光一望半南天香傳竒譜百花
洞翠接隣陰雙鳳巔潭曲蟠龍乘雨去石床隱豹鋪
雲眠幾回選勝風高處醪咽流霞茗汲泉

與姚道尊同飲雙流寺卽席分得浮字韻

姚道

尊湖
廣人

陳本一

城中古刹紫光浮欣遇真人來此遊談偈天花饒地
落唵詩白雪郢中求詞傾三峽吞雲夢功著五羊燦
斗牛冬日雙流觴詠處堪令鑄石顯千秋

天馬南來

盧姚標

山象龍媒未易才忽忽按轡自南來芳菲被體作毛
莖磊落當頭負鐵盔疑是宸遊排御駕恍同驄乘出
金臺邑中午岫最稱吉輩輩人英藉福培

壽牛暉吉父母

柯壬馨

饒平縣志

卷二十四

藝文詩

二十七

衡岳高峯紫氣聯海邦最喜試烹鮮兩輪行兩桑麻
潤百粵分闡莠李妍琴席清言皆寶韻玉壺淡酌有
甘泉須知平格應難老漫獻霞觴祝大年

端午觀渡

柯壬馨

龍舟競渡罷多年此日笙歌響徹天滿戶迎蒲皆貼
彩誰家鼓浪不爭先清波難洗靈均淚狂興欲揚祖
遯鞭弄棹縱然成戲事岸邊願看奪標旋

除夕書懷

我耕別有山憑古作豐年落落囚人老悠悠把歲延

書空時得句買酒不須錢明日春光至殘編好細研

觀女採葛

郊遊勤遠望適與女工期手以纖纖用筐因處處移

滿林青入袖隔岸綠浮颺暑服催刀尺亟成綵與絺

尊君北聳

熊可坪
本姓林

有山聳出接雲間北拱居然不敢攀層疊岡巒開帝
闕分排屏嶂拜天顏一尊巍赫楓宸座萬象低垂鴛
鷺班看看燕臺應不遠顧名思義莫悠關

季秋喜雨

黃嘉裕

饒平縣志

卷二十四

藝文詩

二十八

魃災爲雪从一夕沛田疇早禾嗟無濟晚歲慶有秋
竹林爭洗粉山澗喚派流只慮催寒至御霜少重裘

西齊對菊

并飲

陸贈衣

落盡羣芳獨出頭移從壁水致偏悠靜疎未忍負高
上瀟洒錯疑是隱流寄興遙尋五柳僻沉酣欲脫千
金裘贏得清香入脾腑爽氣直騰百尺樓

和韻祝謝父師

黃元焜

雪裏栽花分外馨河陽百里壯芳齡三山得地庭生
玉五嶺有天福作星相業催人頭尚黑文章知已眼

多青一簾霜月鳴琴鶴自壽壽民次第聽

宿太平寺

韋選

爲揆名勝宿招隄不讓匡廬嘯虎谿古木千重藏曲
嶺清泉百道折方畦雲封紺殿香煙細日落高峯樹
影低欲識天花何處下洞中先有夜猿啼

登望耕樓

韋選

萬峰疊翠落潺湲一望平疇綠藹然處處依微秔稻
雨村村飄渺竹籬烟人閑採葛迴樵徑犢散爭犂戲
墓田疑入豳風圖畫裏城隅還傍白雲邊

饒平縣志

卷二十四

藝文詩

二十九

題太平寺

釋元燈

邱壑何人築梵壇名藍此日話重歡參差樓閣雲中
出疊翠峰巒眼應寬爐宿曉烟薰法界燈明夜月現
毫端空庭桂子秋香熟天籟鐘聲夢自安

雲屏峰

虛空高挿勢崔嵬躡履凭看雲半堆爽籟還同天籟
發山濤如鼓海濤迴春聲鳥語花屏展秋色霞光月
鏡開最愛四時烟雨霽大千沙界一浮杯

浴仙池

浴仙試問浴何仙遺落仙池不記年桂影秋光香未
散花飛春色雨初添疑看水面雲開合嘯指空中鶴
往還咫尺瑤臺無覓路碧露湯漾浸長天

詞

洞仙歌

楊鸞

溫泉浴罷向柳下婆娑繁陰浚處結成窩紅塵遠香
風舞弄湘波人困也不妨一枕南柯無柰風敲竹
夢魂驚斷起來遊盼夕陽間幾棹歸來晚滿目江山
一片閒分付誰人管收藏兩袖到茅簷又報是明月

饒平縣志

卷二十四

藝文詩

三十

來虛愧

鷓鴣天

雲斂青光滿玉林游魚幾點泳波心薰風細弄花
影野鳥遙聞柳外陰人已靜獨哦吟孤桐欲舞與
誰聽惟有紗窻穿隙月空林一夜伴虛明

西江月

門外青山同立軒間黃卷對坐任他夜雨滴高柯不
厭寒衾獨臥兩朵菊花黃白一樽美酒清紅等閑
關飲醉西風文史三冬足用

雨中花

蘭橈搖過清江曲見古洞春葩奪日我
尋芳
呼朋共酌流霞泛寒玉
無奈一宵春雨足紅已稀
碧烟凝綠爭如柱杖看雲橫琴弄月小艇眠依竹

研銘二首有序

薛采

予偶得二研厥理甚潤厥製甚拙詢之人曰宋製
也悅巧者多笑之因銘之以解嘲銘曰
世皆競巧爾獨任拙人曰非時之制惡乎宜予曰用
拙存道何以巧爲

方乎外似義厚乎質似仁成子工曰斯有宋遺製也
予曰焉從知之有先民之遺德耳